



Broj: 08-01-05-175/17  
Sarajevo, 24.11.2017.god.

**SKUPŠTINA KANTONA SARAJEVO**  
**-Predsjedateljica Skupštine-**  
**O v d j e**

**PREDMET: Odgovor na zastupničku inicijativu**

Veza: Vaš dopis broj: 01-05-28024/17 od 05.10.2017. godine

Na 33 Radnoj sjednici Skupštine Kantona Sarajevo, održanoj dana 02.10.2017. godine zastupnik Mirza Čelik u okviru tačke Dnevnog reda: "Zastupnička pitanja, inicijative i odgovori" a u skladu sa Poslovníkom Skupštine Kantona Sarajevo pokrenuo je zastupničku inicijativu:

„ Tražim od Vlade Kantona Sarajevo da u Budžetu 2018.godine planirate sredstva u iznosu od 100.000 KM za kupovinu osnovnih sredstava za JU Osnovna muzička škola Ilidža.

**Obrazloženje**

JU Osnovna muzička škola Ilidža, je škola sa dugom tradicijom, te od svog osnivanja 1976.godine sada ušla u 42 godinu postojanja, posjeduje vrlo kvalitetne potencijale, veoma stručne i uspješne kadrove i jedinstvenu infrastrukturu – pogodan ambijent za individualnu i grupnu instrumentalnu nastavu i koncertnu dvoranu, što učenicima i profesorima omogućava idealne uslove za koncertnu aktivnost.

Međutim, već dugi niz godina, zbog ušteta u Budžetu, a i zbog bahatog, neprihvatljivog i neprimjerenog ponašanja od strane razriješenog direktora, koji je otudivši službene pečate blokirao rad ove javne ustanove od 2013.godine, pune dvije godine, na način da svi uposlenici jedan period nisu dobivali svoje lične dohotke, a poslije sa velikim zakašnjenjima gdje su im bile ugrožene direktno njihove porodice, što je dovelo do znatnijih problema na njihovim bankovnim računima u smislu ne plaćanja ili neredovnog plaćanja rata kredita, nemogućnost ovjeravanja zdravstvene knjižice, što je proizvelo i nemogućnost liječenja cijele porodice, kao i podizanja terapija pojedinim uposlenicima koji imaju hronična oboljenja, vakcinisanje djece uposlenika i sl. Škola bez službenog pečata nije mogla ni izdati formalno-pravno običnu potvrdu, učeničku diplomu, knjižicu, a kamoli pristupiti svom bankovnom računu. U tom periodu od dvije godine nastale su brojne štete na objektu škole. Dolazilo je dva puta do požara, začepljenja vodo instalacija, curenja radijatora, prokišnjavanje u učionici solfeđa zbog dotrajalih prozorskih portala, prokišnjavanje krova koncertne dvorane, oštećenja na kapijama škole i ogradi i sl. Obzirom da je vidljivo da se uglavnom radilo o hitnim intervencijama, uposlenici su sami iz svog džepa održavali školu, kao i sami kupovali deterđent za pranje škole, sijalice, tonere, kopiranje nota učenicima, kancelarijski pribor, kabinetska sredstva, krede, žice za instrumente i sve ostalo. Kako je razriješeni direktor objavio uslugu interneta, faksa i telefonske brojeve, uposlenici su bili prinuđeni da se koriste ličnim



telefonima za potrebe škole. Stalno su dolazile opomene za neplaćene račune vode, struje, grijanja i prijetilo nam se isključenjem istih. Uposlenici nisu mogli ostvariti ni naknadu za prevoz, kao ni učenici koji stanuju udaljeno od škole, a koji imaju pravo na kupon Grasa.

Obzirom da ovu školu pohađaju učenici sa cijelog područja Općine Ilidže, Hadžića, Novog Grada, pa i šire, tako su mnogi učenici bili oštećeni za naknadu prevoza koja im po zakonu pripada.

Obzirom na dato, Škola nije bila u mogućnosti da unaprjeđuje uslove rada, a potreba za istim je neosporna.

Potrebno unaprijediti kabinetsku nastavu nabavkom novih učila, kao i novih i kvalitetnijih instrumenata, te prateće opreme za nastavu u Muzičkoj školi. Napominjem, da se sva nastava svakodnevno odvija na školskim instrumentima (gitare, harmonike, klarineti, flaute, udaraljke, violine, violončelo, klaviri) s toga instrumenti se nalaze cijeli dan u rukama male djece i da je neminovno njihove oštećenje. Škola trenutno raspolaže sa instrumentima koji se dugo nisu održavali, mijenjali oštećeni dijelovi, niti reparirali, a dobar dio je i dotrajao. Takođe, Školi su neophodni i koncertni instrumenti koje bi koristili samo za koncertnu i takmičarsku aktivnost za naše učenike takmičare koji su i znatno skuplji.

Takođe je potrebno obnoviti biblio-noto-fonotekarski fond, kao i drugi inventar – zamjeniti stari i dotrajali namještaj u učionicama, obnoviti informatičku opremu koja je stara više od deset godina. Obzirom da će ubrzo biti potrebno uvesti elektronski dnevnik, škola neće moći odgovoriti tom zahtjevu blagovremeno.

Napominjem, da su osnovne muzičke škole, jedine i kadrovske škole u Bosni i Hercegovini, što znači da upisnici srednje muzičke škole mogu biti samo oni učenici koji su redovno završili i osnovnu muzičku školu paralelno sa osnovnom školom, te da nestajanjem istih nećemo imati ni studenata na Muzičkoj akademiji, a niti Filharmonijskog orkestra koji sada broji 50 stalno zaposleni članova, a prije rata je imao 100 članova, a pored Filharmonijskog orkestra na naivou Kantona su egzistirala još najmanje tri orkestra. Iz istih razloga je ugrožena i Opera Narodnog pozorišta. Nestaje jedna cijela vertikalna muzički obrazovanih ljudi.

Trenutno ovu školu, paralelno sa redovnim osnovnim školama pohađa 400 učenika. Osnovna muzička škola Ilidža je specifična i jedinstvena po svojim karakteristikama, tj. Škola koja pored primarnog odgoja i obrazovanja, bavi se u punom smislu i kulturnom djelatnošću, a kao javna ustanova učestvuje sa svojim horom i mješovitim orkestrom na mnogim manifestacijama, kako na području općine, tako i šire.

Veliki su uspjesi i mnoge osvojene nagrade naših učesnika sa različitih takmičenja muzike na kojima smo učestvovali u proteklom godinama. JU Osnovna muzička škola Ilidža je bila domaćin III Internacionalnog i XIII Federalnog takmičenja učenika i studenata muzike/glazbe, 2010. godine u Federaciji Bosne i Hercegovine, kada se prijavilo 1.500 takmičara, a ispred naše škole takmičilo se 39 učenika, od čega su osvojene dvije specijalne nagrade i 23 prve nagrade, zbog čega je škola proglašena za najuspješniju školu u Federaciji Bosne i Hercegovine. Na XV Federalnom takmičenju učenika i studenata muzike/glazbe, 2012. godine, škola je ponovila sličan uspjeh, te pored prvih i drugih nagrada osvojila i pet specijalnih nagrada iz disciplina udaraljke, harmonika, klarinet i violončelo, kada je ponijela titulu **Škola sa najviše osvojenih specijalnih nagrada u Federaciji.**

Učenici u posljednje tri godine osvojili su preko 40 prvih nagrada, od kojih su mnoge **Laureati na međunarodnim takmičenjima**, 24 druge nagrade i ostale na internacionalnim takmičenjima u regionu, kao i Federalnom“.



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62



## **Odgovor:**

Vezano za zastupničku inicijativu koju je Vladi Kantona Sarajevo uputio uvaženi zastupnik Mirza Čelik, dajemo slijedeći odgovor:

Vlada Kantona Sarajevo je utvrdila Nacrt Budžeta Kantona Sarajevo za 2018. godinu u kojem su predviđena sredstva na razdjelu Ministarstva za obrazovanje, nauku i mlade, na ekonomskom kodu 821300 Nabavka opreme, subanalitika Nov „Nabavka osnovnih sredstava za JU Srednja muzička škola Ilidža“ u iznosu 100.000 KM.

Napominjemo da je u nazivu pomenute pozicije došlo do tehničke greške u nazivu škole, te će se kroz javnu raspravu na Nacrt Budžeta Kantona Sarajevo za 2018. godinu korigovati naziv koji treba da glasi: “Nabavka osnovnih sredstava za JU Osnovna muzička škola Ilidža“.

**MINISTAR**

**Prof.dr. Jasmin Halebić**

Dostaviti:

- 1.Naslovu
- 2.Stručna služba Vlade
3. Ministarstvo za obrazovanje nauku i mlade
- 4.MF- Sekretar
- 5.a/a

Pripremili-Moćević Amina  
Avdić Zejna



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba);  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62

